



SLUŽBENI GLASNIK

OPĆINE VISOKO

GODINA XLVIII

Visoko, 7. novembar 2014. godine

Broj 5

52.

Na osnovu člana 7. stav 2. i 3. Zakona o stvarnim pravima («Službene novine FBiH», broj 66/13 i 100/13), član 2. stav 1. Zakona o javnim preduzećima u FBiH («Službene novine FBiH», broj 8/05, 81/08, 2/09 i 109/12), člana 8. stav 2. alineje 11. i 12. Zakona o principima lokalne samouprave u Federaciji Bosne i Hercegovine («Službene novine FBiH», broj 49/06 i 51/09), člana 14. stav 1. alineje 7., 9. i 11., član 22. stav 1 i člana 92. Statuta općine Visoko («Službeni glasnik općine Visoko», broj 1/11 i 8/13), Općinsko vijeće Visoko, na 21. sjednici održanoj dana 31.10.2014.godine, donijelo je:

O D L U K U

o pokretanju postupka i uspostavljanju javnog dobra na objektima vodosnabdijevanja gradske vodovodne mreže

Član 1.

Općinsko vijeće pokreće postupak uspostavljanja statusa javnog dobra na nekretninama označenim kao k.č. 3177, k.č. 4287, k.č. 4286, k.č. 3176, k.č. 3175, k.č. 4289/2, k.č. 4288, k.č. 4290, k.č. 2551, k.č. 3284, k.č. 2549, k.č. 3237/2, k.č. 3265, k.č. 4291 i k.č.4289/1 sve upisane u zk.ul. 959 K.O. Visoko i daje saglasnost da se izvrši prenos upisanih prava u zemljišnoknjižnoj evidenciji sa JKP «Visočica» na općinu Visoko.

Član 2.

Općinsko vijeće je saglasno da se nekretnine iz člana 1. nakon izvršenog prenosa prava na općinu Visoko, proglase javnim dobrom i kao takve upišu u zemljišnim knjigama.

Član 3.

Nalaže se predstavniku u Skupštini JKP «Visoko» d.o.o. Visoko da zakaže Skupštinu u skladu sa zakonom i donese notarski obrađenu Odluku o prenosu prava na nekretninama iz člana 1. ove Odluke na općinu Visoko kao osnivača i podnese zahtjev za uknjižbu nadležnom Zemljišnoknjižnom uredu, te da saglasnost za proglašenje predmetnih nekretnina javnim dobrom.

Član 4.

Javna dobra iz člana 1. ove Odluke daju se na trajno upravljanje i korištenje javnom preduzeću koje obavlja komunalnu djelatnost vodosnabdijevanja, bez naknade.

Javno preduzeće iz stava 1. ovog člana je JKP «Visoko» d.o.o. Visoko

Član 5.

Ova Odluka stupa na snagu danom donošenja i objavit će se u Službenom glasniku općine Visoko.

Broj: 01/1-02-363/14
31.10.2014.godine
Visoko

PREDSJEDAVALA
OPĆINSKOG VIJEĆA VISOKO
Mirela Mateša Bukva, s.r.

53.

Na osnovu člana 13. Zakona o principima lokalne samouprave u Federaciji Bosne i Hercegovine («Službene novine FBiH», broj 49/06) i člana 22. tačka 7. Statuta općine Visoko («Službeni glasnik općine Visoko», broj 1/11 i 8/13), Općinsko vijeće Visoko, na 21. sjednici održanoj dana 31.10.2014.godine, donijelo je:

O D L U K U

o davanju saglasnosti za izgradnju odgojno-obrazovnog objekta u naselju Prijeko

Član 1.

Općinsko vijeće daje saglasnost za izgradnju objekta u naselju Prijeko na parceli označenoj k.č. 3567 K.O. Visoko, gradilište površine 3914 m², sa upisanim pravom raspolaganja i privremenim pravom korištenja zemljišta radi građenja u korist općine Visoko, udio 1/1, za obavljanje odgojno-obrazovne djelatnosti.

Član 2.

Ovlašćuje se Općinska načelnica da zaključi Ugovor o finansiranju izgradnje objekta iz člana 1. ove Odluke sa firmom «Abrás Company» d.o.o., vlasnika Ahmeda Alabrása, uz obavezu upisa zabrane otuđenja objekta u zemljišnoknjižnoj evidenciji i zabrane promjene namjene objekta.

Član 3.

«Abrás Company» d.o.o. se obavezuje da će u cjelosti finansirati izgradnju objekta iz člana 1. Odluke po principu «ključ u ruke», snositi sve troškove izrade projektne dokumentacije i troškove vanjskog uređenja.

Član 4.

Sve troškove vezane za izdavanje potrebnih dozvola, saglasnosti, troškove zaključenja Ugovora, nadzora i slično snosi Općina Visoko.

Općina Visoko se obavezuje da će u odgojno-obrazovnoj ustanovi, smještenoj u objektu čija je izgradnja predmet ove Odluke, omogućiti dobrovoljno održavanje nastave iz predmeta vjeronauke.

Član 5.

Izgrađeni objekat će se nakon izdavanja upotreb ne dozvole upisati u zemljišnim knjigama kao vlasništvo Općine Visoko, udio 1/1 sa zabilježbom zabrane otuđenja objekta i zabrane promjene namjene objekta, te dati na upotrebu Javnoj ustanovi za obavljanje odgojno-obrazovne djelatnosti, a u skladu sa važećom regulativom.

Broj: 01/1-02-364/14 PREDSEDAVAJUĆA
31.10.2014.godine OPĆINSKOG VIJEĆA VISOKO
Visoko Mirela Mateša Bukva, s.r.

54.

Na osnovu člana 13. Zakona o principima lokalne samouprave u Federaciji Bosni i Hercegovini («Službene novine FBiH», br.49/06) i člana 22, 60 i 64. Statuta općine Visoko («Službeni glasnik općine Visoko», broj: 1/11 i 8/13), Općinsko vijeće Visoko, na 21. sjednici održanoj 31.10.2014.godine, donijelo je:

O D L U K U

o potvrđivanju izmjene člana Savjeta Mjesne zajednice Buci

Član 1.

Član Savjeta Mjesne zajednice Buci, Fatić Almir, razrješava se dužnosti člana Savjeta, na lični zahtjev.

Član 2.

Općinsko vijeće Visoko potvrđuje dodjelu mandata za člana Savjeta Mjesne zajednice **Buci** Dževadu Fejziću, kao slijedećem kandidatu sa najvećim brojem osvojenih glasova na listi predloženih kandidata za naseljeno mjesto Zbilje i Plješevica.

Član 3.

Ova Odluka stupa na snagu danom objavljivanja u «Službenom glasniku općine Visoko».

Broj: 01/1-02-365/14 PREDSEDAVAJUĆA
31.10.2014.godine OPĆINSKOG VIJEĆA VISOKO
Visoko Mirela Mateša Bukva, s.r.

55.

Na osnovu člana 2, a u vezi sa članovima 3., 4., 5. i 6. Zakona o finansiranju pomoći za otklanjanje posljedica prirodne nesreće i obnovu područja zahvaćenih prirodnom nesrećom („Službene novine FBiH“, broj 59/14), Zakona o osnivanju Federalnog Fonda za pomoć nastradalim područjima od prirodne nesreće na teritoriju FBiH („Službene novine F BiH“, broj: 59/14), i člana 22. Statuta Visoko („Službeni glasnik općine Visoko“, broj: 1/11 i 8/13), Općinsko vijeće Visoko na 21. sjednici održanoj 31.10.2014.godine, donosi:

O D L U K U
**o korištenju javnih prihoda za otklanjanje
posljedica prirodne nesreće i obnovu
područja Općine Visoko zahvaćenih
prirodnom nesrećom**

Član 1.

Ovom Odlukom utvrđuju se izvori sredstava za otklanjanje posljedica prirodne nesreće i obnovu područja Općine Visoko zahvaćenih prirodnom nesrećom, proglašeni Naredbom o proglašenju stanja prirodne nesreće, zbog poplava i klizišta na području općine Visoko broj: 01/2-02-574/14 od 15.05.2014. godine.

Član 2.

Sredstva posebne naknade za zaštitu od prirodnih i drugih nesreća zatečena na računu na dan stupanja na snagu Zakona o finansiranju pomoći za otklanjanje posljedica prirodne nesreće i obnovu područja zahvaćenih prirodnom nesrećom („Službene novine FBiH“, broj: 59/14 od 23.07.2014.godine – u daljem tekstu :Zakon), kao i sredstva iste namjene koja će biti prikupljena u roku od jedne godine od dana stupanja na snagu Zakona (period 24.07.2014. – 24.07.2015.godine), mogu se koristiti bez ograničenja za otklanjanje i ublažavanje posljedica prirodne nesreće.

Član 3.

Sredstva ostvarena po osnovi naknade za izgradnju i održavanje skloništa prikupljena u predviđenom roku iz člana 2. stav 2. Zakona o finansiranju pomoći za otklanjanje posljedica prirodne nesreće i obnovu područja zahvaćenih prirodnom nesrećom, kao i ostala sredstva fondova i slično mogu se preusmjeriti i koristiti za otklanjanje posljedica prirodne nesreće i obnovu.

Član 4.

Ova Odluka stupa na snagu danom objave, u „Službenom glasniku općine Visoko“.

Broj: 01/1-02-367/14 **PREDSJEDAVAJUĆA**
31.10.2014.godine **OPĆINSKOG VIJEĆA VISOKO**
Visoko **Mirela Mateša Bukva, s.r.**

56.

Na osnovu člana 22. Statuta Općine Visoko („Službeni glasnik općine Visoko“, broj: 1/11 i 8/13), i tačke IV. Odluke o utvrđivanju kriterija, dodjeli i usmjeravanju sredstava nastradalim područjima Federalnog fonda za pomoć

nastradalim područjima od prirodne nesreće na teritoriji FBiH, broj: 01-14-9/14 od 04.09.2014. godine, Općinsko vijeće Visoko, na 21. sjednici, održanoj 31.10.2014.godine, donijelo je:

O D L U K U

**o utvrđivanju uslova, kriterija i prioriteta za
dodjelu sredstava za rekonstrukciju,
adaptaciju i sanaciju stambenih objekata
ugroženih prirodnom nesrećom**

Član 1.

Ovom Odlukom utvrđuju se opći uslovi, kriteriji i prioriteti za dodjelu novčanih sredstava licima vlasnicima ili posjednicima stambenih objekata u cilju saniranja posljedica prirodne nesreće s područja općine Visoko.

Član 2.

Opći uslovi:

1. Da je lice državljanin BiH,
2. Da je lice vlasnik ili posjednik objekta koji je pretrpio štetu,
3. Da je lice pretrpilo štetu na stambenom objektu procijenjenu od strane općinske Komisije za procjenu šteta od prirodnih nesreća.

Član 3.

Posebni kriteriji za određivanje prioriteta:

1. Lica koja su u vrijeme proglašenja stanja prirodne nesreće u općini Visoko bila trajno nastanjena u objektu koji je predmet oštećenja,
2. Lica čiji su objekti prema ocjeni Komisije za procjenu šteta od prirodnih nesreća pretrpili totalnu štetu, a ne posjeduju drugi objekat za stanovanje,
3. Lica u čijim objektima nije moguće izvršiti sanaciju ili adaptaciju stambenog prostora ili je ono povezano s nesrazmjernim troškovima sanacije ili adaptacije terena i objekta ili znatnijim sigurnosnim rizicima,
4. Lica čiji su objekti usljed prirodne nesreće proglašeni kao neuslovni za stanovanje od strane komisije,
5. Da lica posjeduju dokaz o pravu građenja objekta ili uvjerenje nadležnog organa Općine Visoko.

Član 4.

Potrebni dokazi za uslove iz člana 2. ove Odluke:

1. Uvjerenje o državljanstvu,

2. Dokaz o vlasništvu ili posjedu objekta (ZK izvadak ili posjedovni list ili pravosnažno rješenje o naslijeđivanju),
3. Dokazi iz tačke 3. člana 2. pribavit će se iz službene evidencije Komisije za procjenu šteta od prirodnih i drugih nesreća.

Član 5.

Potrebni dokazi za kriterije iz člana 3. Odluke:

1. Uvjerenje o kretanju izdato od strane nadležnog MUP-a,
2. Potvrda mjesne zajednice o trajnoj nastanjenosti u objektu u trenutku proglašenja prirodne nesreće ili drugi ekvivalentan dokaz,
3. Uvjerenja nadležnog organa općine Visoko o posjedovanju imovine-objekta i Uvjerenje ZK Ureda Općinskog suda u Visokom o neposjedovanju imovine-objekta,
4. Ostali dokazi predviđeni kriterijima pribavit će se iz službene evidencije Komisije za procjenu šteta od prirodnih i drugih nesreća,
5. Dokaz o pravu građenja (odobrenje za izgradnju objekta ili uvjerenje nadležnog Organa Općine Visoko).

Prioritet za dodjelu sredstava za rekonstrukciju i sanaciju stambenih objekata imaju lica koji posjeduju odobrenje za građenje objekata.

Član 6.

Raspodjela sredstava vršit će se prema prioritetima i standardima iz Odluke o prihvatanju standarda za rekonstrukciju, adaptaciju i sanaciju Federalnog fonda za pomoć nastradalim područjima od prirodne nesreće u omjeru $\frac{3}{4}$ sredstava za totalnu štetu, a $\frac{1}{4}$ sredstava za djelimičnu štetu.

Svaka naredna raspodjela ili preraspodjela u slučaju utvrđenog nenamjenskog korištenja dodijeljenih sredstava od strane korisnika namjenjenih za obnovu i izgradnju stambenih jedinica oštećenih za vrijeme prirodne nesreće biće usmjerena prema licima sa spiska prioriteta ili prema licima iz člana 3. ove Odluke.

Po izmirenju prioriteta dalja raspodjela sredstava vršit će se ostalim licima iz stava 5. člana 3. ove Odluke.

Sredstva će se dodijeljivati putem javnog poziva, koji će raspisati na osnovu ove odluke Općinska načelnica.

Član 7.

Po okončanju postupka raspodjele sredstava rezultati će biti javno objavljeni.

Član 8.

Općinsko vijeće će imenovati Komisiju za provođenje ove Odluke.

Član 9.

Ova Odluka stupa na snagu danom objave u „Službenom glasniku općine Visoko“.

Broj: 01/1-02-366/14
31.10.2014.godine
Visoko

PREDSJEDAVAJUĆA
OPĆINSKOG VIJEĆA VISOKO
Mirela Mateša Bukva, s.r.

57.

Na osnovu člana 22. Statuta općine Visoko („Službeni glasnik“, broj: 1/11 i 8/13) Općinsko vijeće Visoko, na 21. sjednici održanoj dana 31.10.2014.godine, donijelo je:

R J E Š E N J E

o imenovanju Komisije za raspodjelu sredstava za potrebe nastradalim od prirodne nesreće

Član 1.

U Komisiju za raspodjelu sredstava za potrebe nastradalim od prirodne nesreće, imenuju se:

1. Suada Koljenović, dipl. pravnik, predsjednik komisije,
2. Suada Rizvanović, bacherol menadžmenta, sekretar,
3. Kukić Fuad, geometar, član komisije,
4. Mugdim Čosović, dipl.ing.arh., član komisije,
5. Belma Čengić, dipl. ecc, član komisije,
6. Milada Mataradžija, dipl.ing.građ., član komisije,
7. Purišević Salih, dipl.ing.maš., član komisije.

Član 2.

Zadatak Komisije iz člana 1. ovog rješenja je koordinacija na pripremi i realizaciji projekta raspodjele sredstava za potrebe nastradalim od prirodne nesreće.

Član 3.

Komisija će voditi registar korisnika pomoći, pružati stručnu pomoć za procjenu i

ugradnju materijala, izraditi zbirni izvještaj realizacije projekta raspodjele sredstava, postupati na osnovu kriterija i prioriteta za dodjelu sredstava, te raspoređivati sredstva iz Odluke o utvrđivanju uslova, kriterija i prioriteta za dodjelu sredstava za rekonstrukciju, adaptaciju i sanaciju stambenih objekata ugroženih prirodnom nesrećom.

Član 4.

Mandat Komisije traje do okončanja aktivnosti utvrđenih u Zakonu o finansiranju pomoći za odklanjanja posljedica prirodne nesreće i obnovu područja zahvaćenih prirodnom nesrećom („Službene novine FBiH“, broj: 59/14) i Odlukom o utvrđivanju uslova, kriterija i prioriteta za dodjelu sredstava za rekonstrukciju, adaptaciju i sanaciju stambenih objekata ugroženih prirodnom nesrećom.

Član 5.

Članovi Komisije iz Člana 1. ovog Rješenja ne ostvaruju pravo na naknadu za rad u Komisiji.

Član 6.

Ovo Rješenje stupa na snagu danom objavljivanja u „Službenom glasniku Općine Visoko“.

Broj: 01/1-02-368/14 **PREDSJEDAVALA**
31.10.2014.godine **OPĆINSKOG VIJEĆA VISOKO**
Visoko **Mirela Mateša Bukva, s.r.**

58.

Na osnovu člana 54. stav 3. Zakona o građevinskom zemljištu Federacije Bosne i Hercegovine («Službene novine Federacije BiH», broj 67/05) i člana 22. Statuta općine Visoko («Službeni glasnik općine Visoko», br. 1/11 i 8/13), rješavajući po zahtjevu BAGAVAC (Ivo) KARLA, u predmetu davanja saglasnosti za otuđenje nedovršene zgrade na gradskom građevinskom zemljištu, Općinsko vijeće Visoko, na 21. sjednici održanoj dana 31.10.2014.godine, donosi:

RJEŠENJE

1. DAJE SE SAGLASNOST Bagavac (Ivo) Karlu iz Gračca R Hrvatska da može otuđiti nedovršenu stambenu zgradu, zajedno sa zemljištem pod zgradom i koje služi za redovnu upotrebu zgrade, koja se nalazi na građevinskom

zemljištu k.č.421/2 zvano „Vrblje“ površine 822 m², KO Zimča.

O b r a z l o ž e n j e

Bagavac (Ivo) Karlo iz Gračca R Hrvatska podnio je zahtjev za saglasnost za otuđenje nedovršene stambene zgrade čija izgradnja je započeta na građevinskom zemljištu na kojem ima upisano u zemljišnim knjigama prvenstveno pravo korišćenja zemljišta radi gradnje, udio 1/1.

U zahtjevu je navedeno da zbog promjene prebivališta I preseljenja u R Hrvatsku ne može nastaviti izgradnju započetog građevinskog objekta i isti želi otuđiti. Nakon razmatranja podnesenog zahtjeva, Općinsko vijeće je našlo da podnosiocu zahtjeva treba dati saglasnost za otuđenje nedovršene zgrade.

Na osnovu svega izloženog, odlučeno je kao u dispozitivu rješenja.

Ovo rješenje nema karakter upravnog akta i protiv njega se ne može izjaviti žalba niti pokrenuti upravni spor.

Broj: 01/1-02-369/14 **PREDSJEDAVALA**
31.10.2014.godine **OPĆINSKOG VIJEĆA VISOKO**
Visoko **Mirela Mateša Bukva, s.r.**

59.

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, br.49/06) i člana 22. tačka 5. Statuta općine Visoko („Službeni glasnik općine Visoko“, br. 1/11, 8/13), rješavajući po zahtjevu punomoćnika suvlasnika adv. Jasmine Poturak, Općinsko vijeće Visoko, na 21. sjednici održanoj 31.10.2014. godine donosi:

ZAKLJUČAK

I

Općinsko vijeće daje saglasnost Dizdarević (Medo) Kenanu i dr. da mogu izvršiti promjenu upisanog privremenog prava u pravo vlasništva na nekretninama označenim k.č. 1274 i k.č. 1273/4 KO Visoko u skladu sa odredbama Zakona o stvarnim pravima („Službene novine Federacije BiH“, br. 66/13 i 100/13) i Zakona o zemljišnim knjigama („Službene novine Federacije BiH“, broj: 19/03 i 54/04).

II

Zaključak stupa na snagu danom objave u „Službenom glasniku općine Visoko“.

Broj: 01/1-02-370/14 **PREDSJEDAVALA**
31.10.2014.godine **OPĆINSKOG VIJEĆA VISOKO**
Visoko **Mirela Mateša Bukva, s.r.**

60.

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, br.49/06) i člana 22. tačka 5. Statuta općine Visoko („Službeni glasnik općine Visoko“, br. 1/11, 8/13), rješavajući po zahtjevu Limo Jasminke, Općinsko vijeće Visoko, na 21. sjednici održanoj 31.10.2014.godine donosi:

ZAKLJUČAK

I

Općinsko vijeće daje saglasnost Limo (Avdo) Jasminki i dr. da mogu izvršiti promjenu upisanog privremenog prava u pravo vlasništva na nekretnini označenoj k.č. 3532 KO Visoko u skladu sa odredbama Zakona o stvarnim pravima („Službene novine Federacije BiH“, br. 66/13 i 100/13) i Zakona o zemljišnim knjigama („Službene novine Federacije BiH“, broj 19/03 i 54/04).

II

Zaključak stupa na snagu danom objave u „Službenom glasniku općine Visoko“.

Broj: 01/1-02-371/14 **PREDSJEDAVALA**
31.10.2014.godine **OPĆINSKOG VIJEĆA VISOKO**
Visoko **Mirela Mateša Bukva, s.r.**

61.

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, br.49/06) i člana 22. tačka 5. Statuta općine Visoko („Službeni glasnik općine Visoko“, br. 1/11, 8/13), rješavajući po zahtjevu Ličina Taiba, Općinsko vijeće Visoko, na 21. sjednici održanoj 31.10.2014. godine donosi:

ZAKLJUČAK

I

Općinsko vijeće daje saglasnost Ličina (Ševko) Taibu da može izvršiti promjenu upisanog

privremenog prava u pravo vlasništva na nekretninama označenim k.č. 1515, k.č. 1513 i k.č. 1514 KO Kraljevac u skladu sa odredbama Zakona o stvarnim pravima („Službene novine Federacije BiH“, br. 66/13 i 100/13) i Zakona o zemljišnim knjigama („Službene novine Federacije BiH“, broj 19/03 i 54/04).

II

Zaključak stupa na snagu danom objave u „Službenom glasniku općine Visoko“.

Broj: 01/1-02-372/14 **PREDSJEDAVALA**
31.10.2014.godine **OPĆINSKOG VIJEĆA VISOKO**
Visoko **Mirela Mateša Bukva, s.r.**

62.

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, br.49/06) i člana 22. tačka 5. Statuta općine Visoko („Službeni glasnik općine Visoko“, br. 1/11, 8/13), rješavajući po zahtjevu Jusufbašić Emine i dr., Općinsko vijeće Visoko, na 21. sjednici održanoj 31.10.2014.godine donosi:

ZAKLJUČAK

I

Općinsko vijeće daje saglasnost Jusufbašić (Ahmet) Emini i dr. da mogu izvršiti promjenu upisanog privremenog prava u pravo vlasništva na nekretnini označenoj k.č. 3531 KO Visoko u skladu sa odredbama Zakona o stvarnim pravima („Službene novine Federacije BiH“, br. 66/13 i 100/13) i Zakona o zemljišnim knjigama („Službene novine Federacije BiH“, broj 19/03 i 54/04).

II

Zaključak stupa na snagu danom objave u „Službenom glasniku općine Visoko“.

Broj: 01/1-02-373/14 **PREDSJEDAVALA**
31.10.2014.godine **OPĆINSKOG VIJEĆA VISOKO**
Visoko **Mirela Mateša Bukva, s.r.**

63.

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, br.49/06) i člana 22. tačka 5. Statuta općine Visoko („Službeni glasnik općine

Visoko“,br. 1/11, 8/13), rješavajući po zahtjevu Vuković Branka, Općinsko vijeće Visoko, na 21. sjednici održanoj 31.10.2014.godine donosi:

Z A K L J U Č A K

I

Općinsko vijeće daje saglasnost Vuković (Jovo) Branku da može izvršiti promjenu upisanog privremenog prava u pravo vlasništva na nekretninama označenim k.č. 1458 i k.č. 810 KO Kraljevac u skladu sa odredbama Zakona o stvarnim pravima (“Službene novine Federacije BiH”, br. 66/13 i 100/13) i Zakona o zemljišnim knjigama (“Službene novine Federacije BiH”, broj 19/03 i 54/04).

II

Zaključak stupa na snagu danom objave u „Službenom glasniku općine Visoko“.

Broj: 01/1-02-374/14 **PREDSJEDAVALA**
31.10.2014.godine **OPĆINSKOG VIJEĆA VISOKO**
Visoko **Mirela Mateša Bukva, s.r.**

64.

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“,br.49/06) i člana 22. tačka 5. Statuta općine Visoko („Službeni glasnik općine Visoko“,br. 1/11, 8/13), rješavajući po zahtjevu Karišik Adema, Općinsko vijeće Visoko, na 21. sjednici održanoj 31.10.2014.godine donosi:

Z A K L J U Č A K

I

Općinsko vijeće daje saglasnost Karišik (Džemail) Ademu i dr. da mogu izvršiti promjenu upisanog privremenog prava u pravo vlasništva na nekretninama označenim k.č. 3991/1, k.č. 3991/2, k.č. 3991/3 i k.č. 3991/4 KO Visoko u skladu sa odredbama Zakona o stvarnim pravima (“Službene novine Federacije BiH”, br. 66/13 i 100/13) i Zakona o zemljišnim knjigama (“Službene novine Federacije BiH”, broj 19/03 i 54/04).

II

Zaključak stupa na snagu danom objave u „Službenom glasniku općine Visoko“.

Broj: 01/1-02-375/14 **PREDSJEDAVALA**
31.10.2014.godine **OPĆINSKOG VIJEĆA VISOKO**
Visoko **Mirela Mateša Bukva, s.r.**

65.

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“,br.49/06) i člana 22. tačka 5. Statuta općine Visoko („Službeni glasnik općine Visoko“,br. 1/11, 8/13), rješavajući po zahtjevu punomoćnika suvlasnika adv. Agić Suada, Općinsko vijeće Visoko, na 21. sjednici održanoj 31.10.2014.godine donosi:

Z A K L J U Č A K

I

Općinsko vijeće daje saglasnost Karavdić (Hasan) Omeru i dr. da mogu izvršiti promjenu upisanog privremenog prava u pravo vlasništva na nekretninama označenim k.č. 1229 i k.č. 1239 KO Visoko u skladu sa odredbama Zakona o stvarnim pravima (“Službene novine Federacije BiH”, br. 66/13 i 100/13) i Zakona o zemljišnim knjigama (“Službene novine Federacije BiH”, broj 19/03 i 54/04).

II

Zaključak stupa na snagu danom objave u „Službenom glasniku općine Visoko“.

Broj: 01/1-02-376/14 **PREDSJEDAVALA**
31.10.2014.godine **OPĆINSKOG VIJEĆA VISOKO**
Visoko **Mirela Mateša Bukva, s.r.**

66.

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“,br.49/06) i člana 22. tačka 5. Statuta općine Visoko („Službeni glasnik općine Visoko“,br. 1/11, 8/13), rješavajući po zahtjevu Aličelebić Minke, Općinsko vijeće Visoko, na 21. sjednici održanoj 31.10.2014.godine donosi:

Z A K L J U Č A K

I

Općinsko vijeće daje saglasnost Aličelebić (Mulo) Minki da može izvršiti promjenu upisanog privremenog prava u pravo vlasništva na nekretnini označenoj k.č. 14 KO Zbilje u skladu sa odredbama Zakona o stvarnim pravima (“Službene novine Federacije BiH”, br. 66/13 i 100/13) i Zakona o zemljišnim knjigama (“Službene novine Federacije BiH”, broj 19/03 i 54/04).

II

Zaključak stupa na snagu danom objave u „Službenom glasniku općine Visoko“.

Broj: 01/1-02-377/14 **PREDSJEDAVAJUĆA**
31.10.2014.godine **OPĆINSKOG VIJEĆA VISOKO**
Visoko **Mirela Mateša Bukva, s.r.**

67.

Na osnovu člana 15. stav 1 alineja druga Zakona o principima lokalne samouprave u Federaciji BiH («Službene novine Federacije BiH, broj: 49/06 i 51/09»), a u vezi sa članom 15 stav 1 Zakona o mladima Federacije BiH («Službene novine Federacije BiH, broj: 36/10») i članom 99. Statuta Općine Visoko («Službeni glasnik općine Visoko», broj: 1/11 i 8/13), Općinska načelnica Visoko, donosi:

PRAVILNIK O VOĐENJU SPISKA OMLADINSKIH UDRUŽENJA NA PODRUČJU OPĆINE VISOKO

POGLAVLJE I – OPĆE ODREDBE

Član 1. (Predmet)

Ovim Pravilnikom propisuju se postupak i način upisa u spisak omladinskih udruženja koja imaju sjedište ili registriran ured na području općine Visoko, način podnošenja zahtjeva za upis u spisak omladinskih udruženja, potrebni obrasci, te druga pitanja od značaja za vođenje spiska omladinskih udruženja u skladu sa Zakonom o mladima Federacije BiH (u daljem tekstu: Zakon).

Član 2. (Omladinsko udruženje)

- (1) «Omladinsko udruženje», prema Zakonu, označava udruženje čije članstvo i organe upravljanja čine dvije trećine mladih, čije su aktivnosti i statutarne djelatnosti većinom usmjerene na mlade, a koje se osniva registrira, djeluje i prestaje postojati u skladu sa zakonom na osnovu kojeg je registrirano.
- (2) Međunarodna udruženja ne mogu dobiti status omladinskog udruženja ako nisu registrirana i u Bosni i Hercegovini.

Član 3.

(Neformalna grupa mladih)

- (1) Neformalna grupa mladih općine Visoko jeste grupa čije dvije trećine članstva čine mladi ljudi koji imaju prebivalište na području općine Visoko i čije su aktivnosti podržane od Općine.
- (2) Neformalne grupe mladih trebaju imati administrativnu podršku nekog omladinskog udruženja s područja Općine Visoko.

Član 4.

(Nadležna općinska služba)

- (1) Služba za društvene djelatnosti i boračko-invalidsku zaštitu općine Visoko nadležna je za vođenje spiska omladinskih udruženja (u daljem tekstu: Služba).
- (2) Služba će voditi spisak omladinskih udruženja iz razloga transparentnosti, saradnje, podrške i partnerstva.
- (3) Služba će voditi spisak neformalnih grupa mladih čije su aktivnosti podržane od Općine Visoko.

Član 5.

(Obaveze omladinskih udruženja)

- (1) Omladinska udruženja koja žele predlagati projekte za mlade ili biti član Vijeća mladih općine Visoko dužna su se upisati u spisak omladinskih udruženja Općine.
- (2) Omladinsko udruženje upisano u spisak omladinskih udruženja općine Visoko dužno je uputiti poziv općinskom službeniku za mlade za prisustvo izvještajnim i izbornim skupštinama udruženja kao i Službi dostaviti zapisnik sa svake izborne skupštine sa spiskom članova organa upravljanja i članova omladinskog udruženja sa datumima rođenja istih.
- (3) Omladinsko udruženje upisano u spisak omladinskih udruženja dužno je Službi do 28. februara tekuće godine dostaviti godišnji izvještaj o radu za prošlu kalendarsku godinu.
- (4) Omladinsko udruženje nakon dobivanja budžetskih sredstava Općine Visoko iz granta za omladinske projekte dužno je podnijeti pisani izvještaj Službi o namjenskom trošenju budžetskih sredstava i to najkasnije u roku od 30 dana od dana utroška ovih sredstava.

POGLAVLJE II – UPIS U SPISAK OMLADINSKIH UDRUŽENJA

Član 6.

(Podnošenje zahtjeva za upis u spisak)

- (1) Zahtjev za upis u spisak podnosi se Službi, nakon upisa udruženja u registar koje vodi nadležno ministarstvo pravde.
- (2) Zahtjev za upis u spisak omladinskih udruženja potpisuje osoba ovlaštena za zastupanje i predstavljanje omladinskog udruženja.
- (3) Zahtjev se, prema vrsti podataka koji se unose, sastoji od tri dijela, i to:
 - a) podaci o omladinskom udruženju,
 - b) podaci o licu ovlaštenom za zastupanje i predstavljanje,
 - c) podaci o upravnom odboru i skupštini.
- (4) Zahtjev i dokumentacija iz Pravilnika podnose se Službi u jednom primjerku, i to na obrascu 1.
- (5) Podaci koji su upisani u zahtjev moraju biti istovjetni sa odredbama Statuta, odlukama i zaključcima organa upravljanja omladinskog udruženja na koje se podaci odnose.

Član 7.

(Zahtjev za upis u spisak)

- (1) Uz zahtjev iz člana 6. stav (3) za upis u spisak omladinskog udruženja prilažu se:
 - rješenje o registraciji,
 - osnivački akt,
 - statut.
- (2) Prilozi se podnose u originalu ili ovjerenoj fotokopiji.

Član 8.

(Donošenje odluke)

- (1) Ako zahtjev subjekta upisa ne ispunjava uvjete propisane zakonom i ovim Pravilnikom ili ako zahtjev nije potpun, Služba će obavještenjem, pozivom na ispravku upozoriti podnosioca na dopunu zahtjeva, te odrediti rok za dopunu koji ne može biti kraći od 30 dana od dana prijema obavještenja.
- (2) Ako subjekt upisa ne otkloni nedostatke u određenom roku, Služba će odlukom odbaciti zahtjev.

Član 9

(Izdavanje potvrde)

- (1) Služba izdaje potvrdu omladinskom udruženju kao dokaz za upis u spisak.
- (2) Potvrda se izdaje na obrascu 2.
- (3) Potvrda sadrži sljedeće podatke:
 - a) naziv i adresa omladinskog udruženja,
 - b) upisni broj pod kojim je izvršen upis u spisak,
 - c) datum upisa u spisak,
 - d) ovjera i potpis ovlaštene osobe.

POGLAVLJE III – NAČIN POPUNJAVANJA OBRAZACA

Član 10.

(Popunjavanje obrazaca)

- (1) Obrazac se popunjavanja na računaru na jednom od tri službena jezika koja su u upotrebi u Bosni i Hercegovini.
- (2) Obrasci propisani ovim Pravilnikom čine njegov sastavni dio.

POGLAVLJE IV – VOĐENJE SPISKA I ZBIRKA ISPRAVA

Član 11.

(Upisni list)

- (1) Spisak se sastoji od upisnih listova u koje se upisuju: naziv i skraćeni naziv omladinskog udruženja, datum osnivanja, područje djelovanja, upisni broj i datum upisa, redni broj, sjedište i broj telefona, jedinstveni identifikacijski broj, broj i datum rješenja o upisu u registar, lice ovlašteno za zastupanje i predstavljanje, broj i datum akta upisa u spisak i napomena.
- (2) Izgled upisnog lista utvrđen je obrascem 3.

Član 12.

(Upisni uložak)

Upisni uložak obilježava se posebnim brojem pod kojim se vodi omladinsko udruženje.

Član 13.

(Upisni broj)

Upisni broj omladinskog udruženja je broj koji se dodjeljuje omladinskom udruženju prilikom upisa. Jednom dodjeljen upisni broj se ne mijenja, niti se nakon prestanka rada omladinskog udruženja dodjeljuje nekom drugom omladinskom udruženju.

Član 14.
(Zbirka isprava)

Zbirka isprava u pisanom obliku vodi se za svako omladinsko udruženje u spisku omladinskih udruženja.

Član 15.
(Sadržaj zbirke isprava)

- (1) Zbirka isprava sadrži: zahtjev za upis u spisak, osnivači akt, statut, rješenje o registraciji, podatke o osnivaču (obrazac 1), popis članova i organa upravljanja (obrazac 1), predstavljanja omladinskog udruženja (obrazac 1), spisak lica ovlaštenih za zastupanje i predstavljanje (obrazac 1).
- (2) Zbirka isprava propisana Pravilnikom čuva se trajno.

Član 16.
(Javnost spiska)

- (1) Spisak omladinskih udruženja je javan.
- (2) Svako lice ima pravo uvida u podatke upisane u spisak omladinskih udruženja u skladu sa Zakonom o slobodi pristupa informacijama.

**POGLAVLJE VI- POSTUPAK BRISANJA
IZ SPISKA**

Član 17.
**(Upis brisanja iz spiska omladinskog
udruženja)**

- (1) Iz spiska se briše omladinsko udruženje ako:
 - a) se izbriše iz registra nadležnog ministarstva pravde,
 - b) podnese zahtjev za brisanje iz spiska omladinskih udruženja Općine,
 - c) ne dostavi dokumentaciju iz člana 5. stav 2.,3. i 4. ovog Pravilnika,
 - d) ako udruženje prestane biti omladinsko udruženje u skladu sa Zakonom.
- (2) Kada Služba utvrdi postojanje jedne od činjenica iz stava (1) ovog člana, donosi odluku o brisanju omladinskog udruženja iz spiska omladinskih udruženja Općine Visoko.

**POGLAVLJE VII – PRIJELAZNE I
ZAVRŠNE ODREDBE**

Član 18.
(Dostupnost obrazaca)

Ovaj Pravilnik s potrebnim obrascima dostupan je javnosti na web stranici Općine Visoko.

Član 19.

Predhodni Pravilnik broj : 01/2-02-789/13 od 04.07.2013godine stavlja se van snage.

Član 20.
(Stupanje na snagu i objava)

Ovaj Pravilnik stupa na snagu danom donošenja i biće objavljen u «Službenom glasniku Općine Visoko».

Broj: 01/2-02-1051/14
29.08.2014.godine
Visoko

OPĆINSKA NAČELNICA
VISOKO
Amra Babić, s.r.

S a d r Ź a j

Redni
broj

Strana

I – OPĆINSKO VIJEĆE

52. Odluka o pokretanju postupka i uspostavljanju javnog dobra na objektima vodosnadbijevanja gradske vodovodne mreže
53. Odluka o davanju saglasnosti za izgradnju odgojno-obrazovnog objekta u naselju Prijeko
54. Odluka o potvrđivanju izmjene člana Savjeta Mjesne zajednice Buci
55. Odluka o korištenju javnih prihoda za otklanjanje posljedica prirodne nesreće i obnova područja općine Visoko zahvaćenih prirodnom nesrećom
56. Odluka o utvrđivanju uslova, kriterija i prioriteta za dodjelu sredstava za rekonstrukciju, adaptaciju i sanaciju stambenih objekata ugroženih prirodnom nesrećom
57. Rješenje o imenovanju Komisije za raspodjelu sredstava doniranih za potrebe nastradalim od prirodne nesreće
58. Rješenje o davanju saglasnosti Bagavac Karlu za otuđenje nedovršene stambene zgrade na građevinskom zemljištu označenom kao k.č. 421/2 KO Zimča
59. Zaključak o davanju saglasnosti Dizdarević Kenanu i dr. za promjenu upisanog prava na nekretninama označenim kao k.č. 1274 i k.č. 1273/4 KO Visoko
60. Zaključak o davanju saglasnosti Limo Jasminki i dr. za promjenu upisanog prava na nekretnini označenoj kao k.č. 3532 KO Visoko
61. Zaključak o davanju saglasnosti Ličina Taibu za promjenu upisanog prava na nekretninama označenim kao k.č. 1515, k.č. 1513 i k.č. 1514 KO Kraljevac
62. Zaključak o davanju saglasnosti Jusufbašić Emmini i dr. za promjenu upisanog prava na nekretnini označenoj kao k.č. 3531 KO Visoko
63. Zaključak o davanju saglasnosti Vuković Branku za promjenu upisanog prava na nekretninama označenim kao k.č. 1458 i k.č. 810 KO Kraljevac
64. Zaključak o davanju saglasnosti Karišik Ademu i dr. za promjenu upisanog prava na nekretninama označenim kao k.č. 3991/1, k.č. 3991/2, k.č. 3991/3 i k.č. 3991/4 KO Visoko
65. Zaključak o davanju saglasnosti Karavdić Omeru i dr. za promjenu upisanog prava na nekretninama označenim kao k.č. 1229 i k.č. 1239 KO Visoko
66. Zaključak o davanju saglasnosti Aličelebić Minki za promjenu upisanog prava na nekretnini označenoj kao k.č. 14 KO Zbilje

I – OPĆINSKI NAČELNIK

67. Pravilnik o vođenju spiska omladinskih udruženja na području općine Visoko